

PEB i stopim Potsdam skul

Salome Vincent-
DWU-sumatin i raitim

PROVINSSEL
Edukesen Bod bilong
Madang e i pasim skul
long Potsam Ke
Senta, bihain long ol
lain i long hap yet i
kukim wanpela ele-
mentri klasrum.

Long las Sarere, ol
mema bilong Sinia
Profesanel Etvaise
(SPA) long Provinsel
Edukesen Plening na ol
mema bilong
Provinsel Edukesen
Bod (PEB), i bung wan-
taim ol mausman long
ke senta, long harim
disisen bilong ol sapos
ol i laik bai skul i op
ken.

Namba tu bilong
Ekting SPA edvaise,
Mista Simon Simoi i
tok, ol i pasim skul long

sotpela taim tasol long
bungim olgeta 5-pela
komyniti insait long
Potsam, long wanbel
na larim ol pikinini i go
bek long skul.

Potsam Ke Senta
Pramerit Skul i bin pas
inap tupela wik olgeta,
bihain long wanpela
sumatin bilong Jogari
komuniti na Boda
komuniti i bin gat liklik
kros insait long skul.
Dispela i kirapim kros
namel long ol papama-
ma we i lukim ol i kukim
wanpela elementeri
klasrum.

Ol lida na ol maus-
man long 5-pela


komyuniti, Jogari, Yasa,
Medauri, Boda na
Waya i tok sori na
askim Ekting Edvaise
bilong SPA, Mista Chris
Bulu sapos ol i ken
opim skul ken. Ol i wan-
bel na sekan wantaim
ol yet na givim sapot
long wanpela narapela
long lukautim gut ol
pikinini bilong ol i go i
kam long skul.

Mista Simoi i tok
strong long dispela ol
komuniti olsem hevi we
i kamap namel long ol
sumatin insait long
skul, i mas stap insait na
ol tisa na administresen
bilong skul bai stretim.

Em i tok planti bilong
ol samting bilong skul
olsem desk na ol
moden klasrum i kam
long ol ovasis dona na
ol pipel i mas lukaut gut
long ol.

Em i tok ol i yusim
olsem K1.5 milien long
sanapim ol klasrum ol i
wokim long kapa samt-
ing na em i laikim bai ol
pipel insait long Potsam
ke senta i mas lukautim
ol gut.

Ekting SPA Edvaise,
Chris Bulu bai go bek
long Potsam long
bihain taim long tokaut
sapos skul bai op o
nogat.



WANBEL: Ol lain long Potsdam i kamapim wanbel pasin bihain long birua we i bin
lukim wanpela klasrum i paia.

OK

newspaper

news.